

# 卷十四

書名 禮記註疏六十三卷  
 撰者 漢 鄭玄 注, 唐 陸德明  
 音義, 唐 孔穎達 疏  
 卷 卷十四  
 內容分類 經 禮-禮記-唐  
 索書號 經部-彙刻-1  
 編號 A 232600

彩色首頁1

東洋文化研究所漢籍目錄 編號: A 232600

東洋文化研究所漢籍目錄所藏漢籍善本文影像資料庫 索書號: 經部-彙刻-1

漢籍善本文影像資料庫文本禮記註疏六十三卷

版權所有: 東京大學 東洋文化研究所

使用上的注意事項

## 禮記註疏卷之一

漢鄭氏註

唐孔穎達疏

### 禮記

○陸德明音義曰此記

### 疏

正義曰夫禮者經天地

地未分之前故禮運云夫禮必本於太一是天地未  
 分之前已有禮也禮者理也其用以治則與天地俱  
 興故昭二十六年左傳稱晏子云禮之可以為國也  
 久矣與天地並但于時質略物生則自然而有尊卑  
 若羊羔跪乳鴻雁飛有行列豈由教之者哉是三公  
 既判尊卑自然而有但天地初分之後即應有君臣  
 治國但年代縣遠無文以言案易緯通卦驗云天皇  
 之先與乾曜合元君有五期輔有三名公卿大夫也又云  
 事五行王亦有五期輔有三名公卿大夫也又云遠  
 皇始出握機矩註云遂皇謂遂人在伏犧前始王天

禮記註疏卷之十三終

禮記註疏卷第十四

漢鄭氏註

唐孔穎達疏

月令第六

陸曰此是呂氏春秋十二紀之首後人刪合為此記蔡伯喈王肅云周公所作

疏

正義曰案鄭目錄云名曰月令者以其紀十二月政之所行也本呂氏春秋十二月紀之首章也以

家禮好事抄合之後人因題之名曰禮記言周公所作其中官名時事多不合周法此於別錄屬明堂陰

陽記此卷所出解者不同今且申鄭旨釋之案呂氏

章集諸儒所著為十二月紀合十餘萬言名為呂氏

春秋篇首皆有月令與此文同是一證也又周無大

尉唯秦官有大尉而此月令云乃命大尉此是官名不合周法二證也又秦以十月為歲終十月為受朔此云為來歲授朔口即是九月為歲終十月為受朔此




是時不合周法三證也又周有六冕郊天迎氣則用  
 大裘乘玉輅建太常日月之章而月令服飾車旗並  
 依時色此是事不合周法四證也故鄭云其中官名  
 時事多不合周法然案秦始皇十二年呂不韋死十  
 六年并天下然後以十月為歲首用十月時不  
 韋已死十五年而不韋不得以十月為正又云周書  
 先有月令何得云不韋所造又秦并天下立郡何得  
 云諸侯又秦以好兵殺害毒被天下何能布德施惠  
 春不與兵既如此不同鄭必謂不韋作者以呂氏春  
 秋十二月紀正與此不同不過三五字別且不韋集諸  
 儒所作為一代大典亦採擇善言之事遵立舊章但  
 秦自不能依行何怪不韋所作也又秦為水位其來  
 已久秦文公獲黑龍以為水瑞何怪未平天下前不  
 以十月為歲首乎是鄭以月令不韋所作月令者包  
 天地陰陽之事然天地有上下之形陰陽有生成之  
 理日月有運行之度星辰有次舍之常今既贊釋其  
 文不得不略言其趣案老子云道生一一生二二生  
 三三萬物易云易有太極是生兩儀禮運云禮必



本於大一分而為天地易乾鑿度云大極者未見其  
 氣大初者氣之始大始者形之始大素者質之始此  
 四者同論天地之前及天地之始老子云道生一道  
 與大易自然虛無之氣無象不可以形求不可以類  
 取強名曰道強謂之大易也道生一者一則混元之  
 氣與大初大始大素同又與易之大極禮之大一其  
 義不殊皆為氣形之氣也一生二者謂混元之氣分  
 為二二則天地也與易之兩儀又與禮之大一分而  
 為天地同也三生者謂參之以人為三才也三生  
 萬物者謂天地人既定萬物備生其間分為天地說  
 有多家形狀之殊凡有六等一曰蓋天文見周髀如  
 蓋在上二曰渾天形如彈丸地在其中天包其外猶  
 如雞卵白之繞黃揚雄桓譚張衡蔡邕陸績王肅鄭  
 玄之徒並所依用三曰宣夜舊說云殷代之制其形  
 體事義無所出以言之四曰昕天昕讀為軒言天北  
 高南下若車之軒是吳時姚信所說五曰穹天云穹  
 隆在上虞氏所說不知其各也六曰安天是晉時虞  
 喜所論註考靈耀用渾天之法今禮記是鄭氏所註




北遊之極地則升降極下至夏季復正立秋之後東  
 遊秋分東遊之極地則升降正中至秋季復正立冬  
 之後南遊冬至南遊之極地則升降極上冬季復正  
 此是地及星辰四遊之義也星辰亦隨地升降故鄭  
 註考靈耀云夏日道上與四表平下去東井十二度  
 為三萬里則是夏至之日上極萬五千里星辰下極  
 萬五千里故夏至之日下至東井三萬里也日有九  
 道故考靈耀云萬世不失九道謀鄭註引河圖帝覽  
 嬉云黃道一青道二出黃道東赤道二出黃道南白  
 道二出黃道西黑道二出黃道北日春東從青道夏  
 南從赤道秋西從白道冬從黑道立春星辰西遊  
 日則東遊春分星辰西遊之極日東遊之極日與星  
 辰相去三萬里夏則星辰北遊日則南遊夏至星辰  
 北遊之極日南遊之極日與星辰相去三萬里以此  
 推之秋分放此可知計夏至之日日在井星正當嵩  
 高之上以其南遊之極故在嵩高之南萬五千里所  
 以夏至有尺五寸之景也於時日又上極星辰下極  
 故日下去東井三萬里也然鄭四遊之極元出周髀



之文但日與星辰四遊相反春分日在婁則婁星極  
 西日體在婁星之東去婁三萬里以度言之十二度  
 也則日沒之時去昏中之星近按十度旦時日極於  
 東去旦中之星遠按十度若秋分日在角則角星極  
 東日體在角星之西去角三萬里則日沒之時去昏  
 中之星遠按十度且時日極於西去旦中之星近按  
 十度此皆曆乖違於數不合鄭無指解其事有疑但  
 禮是鄭學故其言之其賢者裁焉但二十八宿從東  
 而左行日從西而右行度逆沿二十八宿案漢書  
 律歷志云冬至之時日在牽牛初度春分之時日在  
 婁四度夏至之時日在東井三十一度秋分之時日  
 在角十度若在東井則極長八尺之表尺五寸之  
 景若春分在婁秋分在角晝夜等八尺之表尺五  
 寸之景冬至日在斗則晝極短八尺之表一丈三尺  
 之景一丈三尺之中去其一尺五寸則餘有一丈一  
 尺五寸之景是冬夏往來之景也凡於地千里而差  
 一十則夏至去冬至體漸南漸下相去一十萬四千  
 里又考靈耀云正月假上八萬里假下一十萬四千

里所以有假上假下者鄭註考靈耀之意以天去地  
 十五萬三千五百里正月雨水之時日在上假於天  
 八萬里下至地一十一萬三千五百里夏至之時日  
 上極與天表平也後日漸向下故鄭註考靈耀云夏  
 至日與表平冬至之時日下至於地八萬里上至於  
 天十一萬三千五百里也委曲俱具考靈耀註凡二  
 十八宿及諸星皆循天左行一年三百六十五周天四  
 天之外更行一度計一年三百六十五周天四度  
 之一日月五星則左行日一日一度月一日十三  
 度十九分度之七此相通之數也今曆象之說則月  
 一日至於四日行最疾日行十四度餘自五日至八  
 日行次疾日行十二度餘自九日至十九日行則遲  
 日行十二度餘自二十日至二十三度又小疾日行  
 十三度餘自二十四日至於晦行又最疾日行一十  
 四度餘此是月行之大率也二十七日月行一周天  
 至二十九日強半月及於日與日相會乃為一月故  
 考靈耀云九百四十分為一日二十九日與四百九  
 十九分為月是月二十九日之外至第三十日分



至四百九十九分月及於日計九百四十分則四百  
 七十為半今四百九十九分是過半二十九分也但  
 月是陰精日為陽精故周髀云日猶火月猶水火則  
 外光水則含景故月光生於日所照魄生於日所蔽  
 當日則光盈就日則明盡京房云月與星辰陰者也  
 有形無光日照之乃有光先師以為日似彈丸月似  
 鏡體或以為月亦似彈丸日照處則明不照處則闇  
 案律歷志云二十八宿之度角一十二度亢九度十  
 五房五度心五度尾十八度箕十一度東方七十五  
 六牛八度女十二度虛十度危十七度營室十六度  
 參九度西方八度井十二度胃十四度柳十五度星  
 斗十二度終葵七度子為玄枵初度丑為星紀初  
 危十五度亥為娵觜初危十六度終於奎四度戌為  
 婁初度五度終於胃六度酉為大梁初度七度終於  
 畢十一度申為實沈初畢十二度終於井十五度未  
 為鶉首初井十六度終於柳八度午為鶉火初柳九

度終張十六度巳為鶉尾初張十八度終於軫十一  
 度辰為壽星初軫十二度終於氏四度卯為犬火初  
 氏五度終於尾九度寅為析木初尾十度終於斗十  
 一度五星者東方歲星南方熒惑西方太白北方辰  
 星中央鎮星其行之遲速俱在律歷志不更煩說春  
 秋說題辭云天之為言顛也說文云天顛也劉熙釋  
 名云顯也又云坦也地底也其體底下戴萬物又云  
 地諦也五土所生莫不信諦元命包云日之為言實  
 也月闕也劉熙釋名云日實也大明盛實月闕也滿  
 則闕也說題辭云星精陽之榮也陽精為日日分為  
 星故其字曰下生也釋名云星散也布散於天又云  
 陰蔭也氣在內與蔭也陽揚也陽氣在外發揚此等  
 是天地陰陽日月之名也祭法黃帝正名百物其名  
 蓋黃帝而有也或後人更有增是其天高地下日盈  
 月闕菁星度少井斗度多日月右行星辰左轉四遊  
 升降之差二儀運動之法非由人事所作皆是造化  
 自然先儒因其自然遂以人事為義或據理是  
 實或構虛不經既無正文可馮今皆略而不錄



孟春之月日在營室昏參中旦尾中國孟長也日月之

行一歲十二會聖王因其會而分之以為大數焉觀

斗所建命其四時此云孟春者日月會於諏訾而斗

建寅之辰也凡記昏明中星者為人君南面而聽天

下視時候以授民事

○參所林反中如字徐竹仲反後放此長竹丈反諏足俱反又

足候反本又作諏同訾


○孟春至尾中○正義曰此言孟春者夏正建寅之月

也呂不韋在於秦世秦以十月為歲首不用秦正而

用夏時者以夏數得天正故用之也周禮雖以建子

為正其祭祀田獵亦用夏正也日在營室者案三統  
 曆立春日在危十六度正月中日在室十四度元嘉  
 曆立春日在危三度正月中日在室一度○昏參中  
 者案三統曆立春昏畢十度中去日八十九度正月


中昏井二度中去日九十三度元嘉曆立春昏昴九  
 度中月半昏觜觶一度中皆不昏參中者月令昏明  
 中星皆大略而言不與曆正同但有一月之內有中  
 者即得載之計正月昏參中依三統曆在立春之後  
 六日參星初度昏得中也但二十八宿其星體有廣  
 狹相去遠近或月節月中之日昏明之時前星已過  
 於午後星未至正南又星有明暗見有早晚明者昏  
 早見而旦暗沒暗者則昏晚見而旦早沒所以昏明  
 之星不可正依律法但舉大略耳餘月昏明從此可  
 知。○孟長至民事。○正義曰禮緯為庶長稱孟故  
 云孟長也若於人言之庶為孟若於物言之直為長  
 也不取庶長之義先儒以孟春亦為之庶長案尚書  
 康誥云孟侯書傳天子之子十八稱孟侯並皆稱孟  
 豈亦庶長乎先儒以孟春稱庶長者非也云日月之  
 行一歲十二會者日行遲一月行二十九度半餘月  
 行疾一月行天一度半餘逐及於日而與日會所會之  
 處謂之為辰鄭註周禮大司職云十一月辰在星紀



十二月辰在玄枵正月辰在娵訾二月辰在降婁三  
 月辰在大梁四月辰在鶉尾五月辰在壽星六月辰  
 在鶉火七月辰在析木此是一歲十二會也云聖王因  
 火十月辰在析木此是一歲十二會也云聖王因其  
 會而分之以爲大數焉者聖王因其日月自然之會  
 而分爲十二分以爲大略之數焉所以爲大略之數  
 者以二十九日又兩月過半月及於日月不可分兩月各有  
 二十九日又兩月過半月及於日月不可分兩月各有  
 是月有三十日一月二十九日一月二十九日一月二十九日  
 有餘分一年十二月六月六小總有三百五十四日  
 是歲十二會之實數也仍少十一日四分日之一未  
 得周天聖王總以三百六十五日四分日之一爲十  
 二會之大數一會即一辰也一辰有三十度十二  
 辰總有三百六十度餘有五度四分度之一度別爲  
 九十六分總五度有四百八十分又四分度之一爲  
 二十四分并之爲五百四十二分又四分度之一爲  
 二分則是每辰有二百九十九分過半若通均一歲會  
 之日月實行一會唯二十九分過半若通均一歲會



數則每會有三十度九十六分度之四十二是以分  
 之為大數也此云孟春者日月會於娵訾而斗建寅  
 之辰者娵訾是亥次之號立春之時日在危十六度  
 月半雨水之時日在營室十四度營室號娵訾但星  
 次西流日行東轉東西相逆若月初之時則日在星  
 分之初月半之時則在星分之半月終之時在星分  
 之末凡十二月日之所在或舉月初或舉月末皆據  
 其大略不細與曆數齊同其昏明中星亦皆如此斗  
 謂北斗循天而轉行建一月一辰辰三十度九十六  
 分度之四十二正月建寅二月建卯三月建辰四月  
 建巳五月建午六月建未七月建申八月建酉九月  
 建戌十月建亥十一月建子十二月建丑也其十二  
 辰之名案律歷志云孛萌於子則孛引也又云紐牙  
 於丑則丑紐也又云引達於寅則寅引也又云紐牙  
 於卯則卯冒也又云振美於辰則辰振也又云已盛  
 於巳則巳已也又云萼布於午則午萼也又云昧駿  
 於未則未昧也又云申堅於申則申堅也又云留執  
 於酉則酉留也又云畢入於戌則戌畢也又云該闕



於亥則亥該也律歷志又云北伏也陽氣伏於下於  
 時為冬冬終也萬物終藏南任也陽氣任養萬物於  
 時為夏夏假也假大也西遷也陰氣遷落萬物於時  
 為春秋者孛也物孛斂也東者動也陽氣動物於時  
 為春春蠢也物蠢生也云凡記昏明中星者為人君  
 南面而聽天下視時候授民事者案書緯考靈耀云  
 主春者鳥星昏中可以種稷主夏者心星昏中可以  
 種黍主秋者虛星昏中可以種麥主冬者昴星昏中  
 則入山可以斬伐其器械王者南面而坐視四星之  
 中者而知民之緩急急則不賦力後故敬授民時是  
 觀時候授**其日甲乙**乙之言軌也日之行春東從  
 民事也

青道發生萬物月為之佐時萬物皆解孚甲自抽軌

而出因以為日名焉乙不為月名者君統臣功也軌

乙八反疏其日甲乙。正義曰其當孟春仲春季春  
 孚音敷疏之時日之生養之功謂為甲乙。乙之

至之功。正義曰：乙軌聲相近，故云乙之言軌也。云日之行春，東從青道，近西黃道，以星辰之次謂之黃道。春時星辰西遊，黃道近西，黃道之東謂之青道。日月之體不移，依舊而行，當青道之上，故云東從青道。云月之為佐者，以日月皆經天而行，月亦從青道，陰佐於陽，故云月為之佐。知月亦從青道者，以緯云：月行九道，九道者，並與日同，而青道二，黃道東，赤道二，黃道南，白道二，黃道西，黑道二，黃道北，并黃道而為九道也。並與日同也。云萬物皆解孚甲，自抽軌而出，因以為日名焉者，以日能生養萬物，萬物皆抽軌而生，因其抽軌以為日功之名也。孚甲在前，抽軌在後，則應孟春甲季春為乙，今二春總云甲乙者，孚甲抽軌相去不遠，早生者即孟春孚甲而抽軌也。晚至者即季春孚甲而抽軌也。律歷志云：出甲於甲，則甲是孚甲也。又云：奮軌於乙，則乙軌也。又云：明炳於丙，則丙炳也。又云：大成於丁，則丁成也。又云：豐茂於戊，則戊茂也。又云：理紀於巳，則巳理也。理謂正紀綱也。又云：改更於庚，則庚更也。謂物改庚也。又云：悉新於辛，則辛新也。又

云：懷任於壬，則云任也。又云：陳揆於癸，則癸揆也。謂物之陳列可揆度也。云乙不為月名者，君統臣功也。者，月既佐日，同有甲乙之功。今獨以甲乙為日名，不以乙為月名，故云君統臣功。君謂日也。日統領月之功，猶若君統領臣之功，以為己功，俗本云君其帝大統臣功定本云君統功無臣字，義俱通也。

**皞其神句芒**

**註**

此蒼精之君，木官之臣，自古以來著

德立功者也。大皞宓戲氏，句芒少皞氏之子，曰重為


木官。大皞上音太，後文及註大族大史大寢大室

反，大皞宓戲也。句芒古侯反，下音亡。句芒，木正也。少

皞之子，曰重為之後，句芒皆放此。宓戲音密，又音服

戲，又作虧，亦作犧，又作疏。其帝至句芒。○正義曰：自義同許宜反，重直龍反。疏孟春之月，訖其日甲乙明於天道，其事略竟，從此以下至鴻鴈來，明聖人奉天

莫大乎四時縣象著明莫大乎日月故先建春以奉  
尺奉天然後立帝立帝然後言佐然後列昆蟲  
之列物有形可見然後音聲可聞故陳音有音然後  
清濁可聽故言鐘律音聲可以彰故陳酸醴之屬也  
羣品以著五行記事於人然後宗而祀之故陳五祀  
此以上者聖人記事之次也東風以下者効初氣之  
序也二者既立然後人君承天時行庶政故言帝者  
居處之宜衣服之制布政之節所明欽若昊天然後  
奉天時也○其帝大皞者謂自古以來木德之君其  
帝大皞也謂之皞者案異義古尚書說元氣廣大謂  
之皞天則皞皞廣大之意以伏犧德能同天故稱皞  
以東方生養元氣盛大西方收斂元氣便小故東方  
謂之帝謂之大皞西方之帝謂之少皞○其神句芒者  
謂自古以來主春立功之臣其祀以為神是句芒者  
主木之官木初生之時句屈而有芒角故云句芒言  
大皞句芒者以此二人生時木王主春立德立功及  
其死後春祀之時則祀此大皞句芒故言也此之言  
據死後享祭之時不論生存之日故云其神句芒句




芒言其神則大皞亦神也大皞言帝則句芒當云臣  
也互而相通大皞在前句芒在後相去縣遠非是一  
時大皞木王句芒有生木之功故取以相配也○  
此蒼至木官○正義曰蒼是東方之色故下云駕蒼  
龍服蒼玉此是蒼精之君也則東方當木行之君也  
云著德立功者著德謂大皞立功謂句芒也云大皞  
宓戲氏者以東方立德則謂之大皞德能執伏犧牲  
謂之伏犧即宓戲也律歷志云大皞作罔咎以田漁  
取犧牲故天下號曰庖犧氏又帝主世紀云取犧牲  
以供庖厨食天下故號曰庖犧氏或作宓戲氏者宓  
字誤也當山下著必是古之伏字案帝王世紀云大  
皞帝庖犧氏風姓也母曰華胥遂人之世有大人之  
迹出於雷澤之中華胥履之生庖犧於成紀蛇身人  
首有聖德為百王先帝出於震未有所以故位在東  
主春象日之明是以稱大皞一號黃熊氏云少皞氏  
之子曰重為木官者案昭二十九年左傳蔡墨云少  
皞氏有四叔曰重曰該曰脩曰熙重為句芒該為蓐  
收脩及熙為玄冥顓頊氏有子曰犁為祝融共工氏  
豐已流 卷之四 十

有子曰句龍為后土是重為句芒若然案楚語云重為南正司天犁為火正司地所以又為南正火正不  
 同者蓋重為木正兼為南正司天犁為火正兼為北  
 正司地故韋昭註國語云火當為北重既顓頊時為  
 南正案楚世家高辛氏誅重犁依帝繫顓頊高辛各  
 有一人為帝則重既事顓頊又事高辛鄭則依命曆  
 序以顓頊傳九世帝嚳傳十世則重何得事顓頊又  
 事高辛者師解重人號雖子孫皆號曰重猶若羿為  
 堯時射官至夏后相之時猶有羿也自古以來紀君  
 臣之號案昭十七年左傳云顓頊以來不能紀遠乃  
 紀於近命以民事服註云自少皞以來天子之號以  
 其德百官之紀以其徵自顓頊以來天下之號以其  
 地百官之紀以其事則伏羲神農黃帝少皞皆以德  
 為號也高陽高辛唐虞皆以地為號也雖以地為號  
 兼有德號則帝嚳顓頊其蟲鱗象物孚甲將解鱗龍  
 頊堯舜是其德號

蛇之屬其音角

**註**

謂樂器之聲也三分羽益一以生



角角數六十四屬木者以其清濁中民象也春氣和

則角聲調樂記曰角亂則憂其民怨凡聲尊卑取象

五行數多者濁數少者清大不過宮細不過羽

**音**

角。正義曰其春時之音為當於角取象木之聲不

云其聲角而云其音者單出曰聲雜比曰音音則樂

曲也以春時調和樂以角為主故云其音角。謂

樂至過羽。正義曰恐是他物之聲故云樂器也但

角是扣木之聲但作樂器之體象此扣木之聲云三

分羽益一以生角數六十四者以天地人謂之三  
 才又陽數極於九故律歷志云五聲之本生黃鍾律  
 之九寸為宮於管則九寸於弦則九九八十一絛也  
 律歷志又云或損或益以定宮商角徵羽宮三分去  
 一下生徵徵數五十四徵三分益一上生商商數七  
 十二商三分去一下生羽羽數四十八羽三分益一  
 上生角角數六十四是其損益相生之數也律歷志

云商之為言章也物成熟可章度也角觸也觸地而  
出戴芒角也宮中也居中央暢四方唱始施生為四  
聲綱也徵祉也物盛大而蕃祉也羽聚也聚藏宇覆  
之也云屬木者以其清濁中民象也者木之聲清於  
土金之聲濁於水火之聲今角聲亦清於宮商濁於  
徵羽故角聲屬木所以清濁中凡數多者濁數少者  
清今宮數八十一商數七十二徵數五十四羽數四  
十八角數六十四少於宮商多於徵羽故云清濁中  
既尊者為濁卑者為清民則卑於君臣尊於事物亦  
是尊卑之中故云民之象也案樂記及律歷志云宮  
為君商為臣角為民徵為事羽為物羽屬北方其數  
少所以黃鐘在子其數多者冬時凝寒之氣在於地  
上水又清輕羽既稟其寒氣又象水聲故其數少冬  
至陽氣伏於地下溫積土中黃鐘合藏陽氣又象土  
聲故其數多各自為義不相須也引樂記曰角亂則  
憂其民怨者證明角主於人云凡聲尊卑取象五行  
者宮主土土聲濁其數多故主君商主金金聲稍重  
其數稍多故為臣角主木木聲清濁中其數多少中

故為民徵主火火聲稍輕其數稍少故為事事謂人  
之所營事務也羽為水水聲極輕其數最少故為物  
也物為人之所用財物指其所營謂之事論其所用  
之體謂之物人是萬物之靈事物是人營作故甲於  
人也云大不過宮細不過羽者案國語景王欲鑄於  
無射伶州鳩諫云大不踰宮細不踰羽踰即過也律

**中大族**律候氣之管以銅為之中猶應也孟春氣


至則大族之律應應謂吹灰也大族者林鐘之所生

三分益一律長八寸凡律空圍九分周語曰大族所

以金奏贊陽出滯律中竹仲反後放此凡如此之

七豆反奏也應應對之應下皆放此長其數八數

直亮反又如字後皆放此律空徐音孔其數八數  
者五行佐天地生物成物之次也易曰天一地二天



三地四天五地六天七地八天九地十而五行自水始火次之木次之金次之土為後木生數三成數八但言八者舉其成數其味酸其臭羶木之味臭也凡酸羶者皆屬焉然反其祀戶祭先脾春陽氣出祀之於戶內陽也祀之先祭脾者春為陽中於藏直脾脾為尊凡祭五祀於廟用特性有主有尸皆先設席于與祀戶之禮南面設主于戶內之西乃制脾及腎為俎奠于主北又設盛于俎西祭黍稷祭肉祭醴皆三祭肉脾一腎再既祭徹之更陳鼎俎設饌于



筵前迎尸略于祭宗廟之儀脾婢支反藏才浪反

字下宿直同後放此律中大族與鳥報反腎時忍反日甲乙下終其祀戶皆總主

三月一時之事此律中大族惟主正月之氣宜與東風解凍文次相連必在於其此者角是春時之音律

審正月之氣音由氣成以其音氣相須故律角同處言正月之時候氣之管中於大族中猶應也謂候氣

飛灰應於大族其大族夾鐘六律六呂之等皆是候氣管名言正月之時律之候氣應於大族之管又計


大族管數倍而更半鑄之為鐘名曰大族之鐘是大族之鐘元生於大族之律是律在於前鐘生於後故

律歷志云黃帝使伶倫氏自大夏之西崑崙之陰取竹之解谷兩節間而吹之以為黃鐘之宮制十二

笛以聽鳳凰之鳴其雄鳴則為六律雌鳴則為六呂是律生在前蔡氏以為大族鐘名先有其鐘後有其


律言律中此大族之鐘其義非也陽管為律律法也言陽氣與陰氣為法鄭云律述也述氣之管陰管為

呂律歷志云呂助也言助陽宣氣又云呂拒也言與陽相承更迭而至又陰律稱同言與陽同也總而言之陰陽皆稱律故十二月皆云律中是也案律歷志云黃鐘黃者中之色君之服也鐘者種也陽氣施種於黃泉孳萌萬物為六氣元也變動不居周流六虛位於子在十一月大呂呂旅也言陰氣大旅助黃鐘宣氣而牙物也位在於丑在於寅在正月夾鐘鐘種也夾助也言陰夾助大族宣四方之氣而出種物也位於卯在三月姑洗洗之言絜也言陽氣洗物姑絜之也位於辰在三月仲呂言微陰始起未成著於其中旅助姑洗宣氣齊物也位於巳在四月蕤賓蕤也賓道也言陽氣始道陰氣使繼養物也位於午在五月林鐘林君也陰氣受任助蕤賓君主種物使長大楸盛也位於未在六月夷則則法也言陽正法度而使陰氣夷當傷之物位於申在七月南宮南任也言陰氣旅助夷則任成萬物也位於酉在八月無射射厭也言陽氣究物而使陰氣畢剝落之終而復始



無厭已也位於戌在九月應鐘言陰氣應無射該減萬物而雜陽闕種也位於亥在十月其十二律則有上生下生同位異位長短分寸之別故鄭註周禮大司職云其相生則以陰陽六體為黃鐘初九也下生林鐘之初六林鐘又上生大族之九二大族又下生南呂之六二南呂又上生姑洗之九三姑洗又下生應鐘之六三應鐘又上生蕤賓之九四蕤賓又上生大呂之六四大呂又下生夷則之九五夷則又上生夾鐘之六五夾鐘又下生無射之上九無射又上生中呂之上六同位者象夫妻異位者象子母所謂律取妻而呂生子也黃鐘長九寸其實一籥下生者三分去一上生者三分益一五下六上乃一終矣大呂長八寸二分四十三分寸之一百四大族長八寸夾鐘長七寸二分一千一百八十七分寸之一千七百七十五分寸之九分之二千九百七十四蕤賓長六寸八分三分寸之二千六百五十一南呂長五寸三分寸之一無

射長四寸六千五百六十一分寸之六千五百二十四應鐘長四寸二十七分寸之二十是也同位象夫妻者則黃鐘之初九下生林鐘之初六同是初位故為夫婦又是律取妻也異位為子母者謂林鐘上生大族林鐘是初位大族是二位故云異位為子母又是呂生子也云五下六上者謂林鐘夷則南呂無射應鐘皆被子午巳東之管三分減一而下生之六上者謂大呂大族夾鐘姑洗中呂蕤賓皆被子午巳西之管三分益一而上生之子午皆屬上生應云七上而云六上者以黃鐘為諸律之首物莫之先似若無所粟生故不數黃鐘也其實十二律終於中呂還反歸黃鐘生於中呂三分益一大略得應黃鐘九寸之數也律歷志云黃鐘為天統林鐘為地統大族為人統故數整餘律則各有分數。律候至出帶。正義曰案司農註周禮云陽律以竹為管陰律以銅為管鄭康成則以皆用銅為之知者案律歷志量者倫合升斗斛本起黃鐘之倫而五量加之其法皆用銅聲中黃鐘以此準之故知用銅也司農云陽律以竹



律

陰律以銅非也云應謂吹灰也者蔡邕云以法為室三重戶閉塗壘必周密布緹縵室中以木為案每律各一案內庫外高從其方位加律其上以葭灰實其端其月氣至則灰飛而管通如蔡所云則是為十二月律則布室內十二辰若其月氣至則其辰之管灰飛而管空也然則十二律各當其辰邪埋地下入地處庫出地處高故云內庫外高黃鐘之管埋於子位上頭嚮南以外諸管推之可悉知又律云以河內葭葦為灰宜陽金門山竹為管熊氏云案吹灰者謂作十二律管於室中四時位上埋之取蘆葦燒之作灰而實之律管中以羅穀覆之氣至則吹灰動穀矣小動為氣和大動為君弱臣強專政之應不動穀為君嚴猛之應云凡律空圍九分者以黃鐘為諸律之首諸律雖長短有差其圍皆以九分為限孟康云林鐘長六寸圍六分則圍之大小逐管長短然則分寸之數不可定也故鄭皆為圍九分也引周語曰以下者案周語景王欲鑄無射伶州鳩對以此辭案彼註云大族正聲商故為金奏所以助陽出滯物也。數


禮記疏

卷之十四十五

及古閣




者至成數。○正義曰：五行佐天地生成萬物之次者，五行謂金、木、水、火、土，謂之五行者，案白虎通云：木訓準，是平言欲為天行氣也。謂之水者，白虎通云：木訓準，是平均法則之稱也。言水在黃泉養物，均有準則也。木觸也，陽氣動躍觸地而出也。火之為言化也，陽氣用事，萬物變化也。金訓禁也，言秋時萬物陰氣所禁止也。土訓吐也，言土居中總吐萬物也。生物者謂木、火、七、八之數也。成物者謂金、水、九、六之數也。則春夏生物也。秋、冬成物也。故易繫辭云：精氣為物，遊魂為變也。註云：精氣謂七、八，遊魂謂九、六，則是七八生物，九、六終物是也。引易曰：以下者易，下繫文也。天陽地陰，陽數奇，陰數耦，陽所以奇者，陽為氣，氣則渾沌為一，無分別之象，又為日，日體常明，無虧盈之異，故其數奇。其陰數所以耦者，陰為形，形則有彼此之殊，又為月。月則有晦朔之別，故其數耦也。案律歷志云：天數為二十五，所以二、十五者，天一、三、五、七、九、十一、十三、十五、十七、十九、二十一、二十三、二十五，所以二、十五者，地數三十，所以三、十者，地二、四、六、八、十、十二、十四、十六、十八、二十、二十二、二十四、二十六、二十八、三十，故三十也。以天地之數相合，則




易之大衍之數五十五也。云五行自水始，火次之，木次之，金次之，土為後者。天一、生水於北，地二、生火於南，天三、生木於東，地四、生金於西，天五、生土於中，以益五行生之本。案尚書洪範云：一曰水，二曰火，三曰木，四曰金，五曰土。故其次如是也。所以一曰水者，乾貞於十一月，子十一月一陽生，故水數一也。又天地之內，水體最微，故水為始也。二曰火者，坤貞於六月，未六月兩陰生，陰不敢當午，火比於水，嚴厲著見，故次火也。三曰木者，正月三陽生，是建寅之月，故三曰木。木比火象有體質，故次木也。四曰金者，八月四陰生，是建酉之月，故四曰金。金比木，其體堅剛，故次金也。五曰土者，三月五陽生，三月建辰之月，辰為土，是四季之首。土在北方者，從盛陰之氣，所以潤下者，下土也。水所以在南方者，從盛陽之氣，所以潤下者，下從陰也。火所以在東方者，從盛陰之氣，所以潤下者，下也。木所以在東者，東是半陰半陽，曲直以陰陽俱有體質，尚柔，故可曲可直也。金所以在西方者，西方亦半陰半陽，但物既成就，體性堅剛，雖可改革，猶須火

柔之土所以在中者以其包載四行含養萬物為萬物之主稼穡者所以養萬物也云木生數三成數八者鄭註易繫辭云天一生水於北地二生火於南天三生木於東地四生金於西天五生土於中陽無耦陰無配未得相成地六成水於北與天一并天七成火於南與地二并地八成木於東與天三并天九成金於西與地四并地十成土於中與天五并也大衍之數五十有五五行各氣并氣并而減五惟有五十以五十之數不可以為七八九六卜筮之意水數一故更減其一故四十有九也是鄭註之意水數一成數六火數二成數七木數三成數八金數四成數九土數五成數十故此云木生數三成數八但言八者舉其成數者金木水火以成數為功皇氏用先儒之義以為金木水火得土而成以水數一得土數五故六也火數二得土數五為成數七木數三得土數五為成數八又金數四得土數五為成數九此非鄭義今所不取○**註**木之至屬焉○正義曰通於鼻者謂之臭在口者謂之味臭則氣也所以木味酸尚書孔



傳云木實之性然則木實酸凡草木所生其氣羶也夏其味苦其臭焦者尚書孔傳云火之氣味火燒物焦焦則味苦中央云其味甘其臭香孔傳云味甘生於百穀味甘則氣香秋其味辛其臭腥者孔傳云金之氣味言金臭之氣則腥在口則辛冬云其味鹹其臭朽者孔傳云水齒所生故味鹹又水受惡穢故有朽腐之氣○**註**春陽至之儀○正義曰春陽氣出祀之於戶者戶在內從外向內戶又在內故云內陽也戶是人之出入戶則有神故祭法註七祀云小神居人之間司察小過作譴誥者爾此戶神則陽氣在戶內之神故云祀之於戶內陽也由位在戶內又秋其祀門註云秋陰氣出祀之於門者門在外從內向外門又在戶外故云外陰也則門神陰氣之神是陰陽別氣在門戶者與人作神也又云春為陽之神是陰陽別脾為尊者以祭戶之時脾腎俱有先用脾以祭之者以春為陽中於藏值脾脾春時最尊故先祭之脾為尊也所以立春當脾者牲位南首肺最在前而當夏也腎最在後而當冬也從冬稍前而當春從腎稍

前而當脾故春位當脾從肺稍却而當心故中央主  
 心從心稍却而當肝故秋位主肝此等直據牲之五  
 藏所在而當春夏秋之位耳若其五行所生主五  
 藏則不然矣故異義云今文尚書說脾木也肺火  
 也心土也肝金也腎水也許慎案月令春祭脾夏祭  
 肺季夏祭心秋祭肝冬祭腎與古尚書同鄭駁之云  
 月令祭四時之位及其五藏之上下次之耳冬位在  
 後而腎在下夏位在而脾在上春位小前故祭先  
 脾秋位小却故祭先肝腎也脾也俱在鬲下肺也心  
 也肝也俱在鬲上祭者必三故有先後焉不得同五  
 行之氣今醫病之法以肝為木心為火脾為土肺為  
 金腎為水則有瘳也若反其術不死為劇如鄭此言  
 五行所主則從今文尚書之說不同許慎之義云凡  
 祭五祀於廟用特牲之下皆中霤禮文云祭五祀於  
 廟者設祭戶祭中霤在於廟室之中先設席於廟堂  
 之與若祀竈祀門祀行皆在廟門外先設席於廟門  
 之與雖廟室廟門有別總而言之皆謂之廟故云凡



祭五祀於廟此謂殷禮之若周則七祀加司命與厲  
 也審祀之處所亦當與竈門行等俱在廟門之外  
 祀也若周總在宮內故宮正法云祭社稷七祀於宮  
 中此特牲謂特牛故小司徒云小祭祀奉牛牲註云  
 小祭祀王玄冕所祭若諸侯或亦當然其大夫所祭  
 或特羊也云有主有尸者謂天子諸侯若卿大夫廟  
 無注則五祀無主也云祀之禮設主於戶內西者先  
 設席于與乃更設席於廟戶西夾北嚮置主位設主  
 之人南面設主於戶西位上使主北面云乃制脾及  
 腎為俎奠于主北者謂設主之後以割制脾之與腎  
 為俎實奠于主北者謂設主之後以割制脾之與腎  
 俎西者盛謂黍稷祭肉在東故黍稷之盤在東  
 前稍西云祭黍稷祭肉祭醴皆三者當時惟始設主  
 未有迎尸則是祝官祭盞中黍稷祭俎中脾腎之肉  
 祭薦之醴皆三度祭之黍亦三祭禮亦三祭肉亦三  
 祭故云皆三祭云肉脾六腎再者申明祭肉三度之  
 事其祭肉三者脾尊故三祭腎卑故再祭云既祭徹  
 之更陳鼎俎設饌于筵前者謂既祭黍稷祭肉醴之

後徹去俎之與盛更陳列鼎俎設其饌食於初設與之筵前其時主已移於筵上主人出戶迎尸尸入即筵而坐但宗廟之祭尸入之後始祭籩豆及黍稷醴其祭尸之時已於西祭黍稷祭肉祭醴今迎尸而入則應坐而饌食不更祭黍稷祭肉祭醴故云略如祭宗廟之儀祭尸所以先設席於與乃設饌筵迎尸皆在與者就尊之處也中間設主祭黍祭肉尸西者就尸處也其餘五祀所祭設主皆就其處也


**解凍蟄蟲始振魚上冰獺祭魚鴻鴈來** 皆記時候

也振動也夏小正正月啓蟄魚陟負冰漢始亦以驚

蟄為正月中此時魚肥美獺將食之先以祭也鴈自

南方來將北反其居今月令鴻皆為候

曰此記正月之時候然十二月之時候體例不一而正月七月記時候大有五句自餘皆四句多少不同



者時候多則五句少則四句無義例也其二至二分是陰陽之交會是節之大者故再記之季春亦記時候者蠶之將生故記其蠶候也故季春鳴鳩拂其羽戴勝降于桑註蠶將生之候是也凡記時候先言者則氣候在前後言者則氣候在後言蟄蟲始振者謂正月中氣之時蟄蟲得陽氣初始振動至二月乃大驚而出對二月故云始振云魚上冰者魚當盛寒之時伏於水下逐其溫暖至正月陽氣既上魚遊於水上近於水故云魚上冰也

禮記疏 卷之四十九

月啓蟄即驚也故云漢始亦以驚蟄為正月中但蟄  
蟲正月始驚二月大驚故在後移驚蟄為二月節雨  
水為正月月中凡二十四氣案三統曆正月節立春  
水為二月節驚蟄春分中氣五月節芒種夏至中  
節立夏六月節小滿中氣八月節白露秋分中九月  
節中七月節立秋處暑中八月節白露秋分中九月  
節寒露霜降中十月節小寒大寒中案通卦驗及今曆以  
清至中十二月節穀雨為正月月中餘皆與律歷志並同  
謂之雨水者言雪散為雨水也謂之驚蟄者蟄蟲驚  
而走謂之穀雨者言雨以生百穀謂之清明者謂  
物生清淨明潔謂之小滿者言物長於此小得盈滿  
謂之芒種者言有芒之穀可稼種謂之小暑大暑者  
就極熱之中分為小太月初為小月半為大暑大暑者  
暑者謂暑既將退伏而漸處謂之白露者陰氣漸重  
露濃色白謂之寒露者言露氣寒將欲凝結謂之小  
雪大雪者以霜雨凝結而雪十月極寒之時相對為大小月  
謂之小寒大寒者十月極寒之時相對為大小月




初寒為小月半寒為大凡二十四氣氣有十五日有  
餘每氣中半分之為四十八氣氣有七日半有餘故  
鄭註周禮云有七十二氣每三分之七十二氣問五日有餘故一年有  
七十二候也故通卦驗冬至之前五日商賈不行兵  
甲伏匿人主與羣臣左右從東爾五日以五日一候  
也案通卦驗云立春雨水降條風至雉雞乳水者謂  
條風即東風也水解即解凍也與月令同雨水者謂  
節氣早月初雨水也雉雞乳於月令在季冬若節  
氣晚亦得退在正月通卦驗云正月月中猛風至註云  
猛風動搖樹木有聲者猛風即東風之甚也懶祭魚  
與此同案丁季冬陽北鄉據其從南始北正月來至  
中國故此云鴻鴈來但來有先後後者二月始來故  
通卦驗二月節云鴻鴈來但來有先後後者二月始來故  
月令出有先後入禮記者為古不入禮記  
者為今則呂氏春秋是也鴻字皆為候也  
**天子居青**  
**陽左个乘鸞路駕倉龍載青旂衣青衣服倉玉食麥**

與羊其器疏以達

**註**皆所以順時氣也青陽左个大

寢東堂北偏鸞路有虞氏之車有鸞和之節而飾之  
 以青取其名耳春言鸞冬夏言色互文馬八尺以上  
 為龍凡所服玉謂冠飾及所佩者之衡璜也麥實有  
 孚甲屬木羊火畜也時尚寒食之以安性也器疏者  
 刻鏤之象物當貫土而出也凡此車馬衣服皆所取  
 於殷時而有變焉非周制也周禮朝祀戎獵車服各  
 以其事不以四時為異又玉藻曰天子龍衮以祭玄  
 端而朝日皮弁以日視朝於此皆殊  
 ○今古賀反後  
 故此鸞力官反



路本又作輅載音戴後放此旂巨機反後放此衣青  
 於既反後放此下註衣甲係猶衣同器本又作器同  
 冬夏此卷內可以意求之璜音黃畜許六反貫古亂  
 反朝直遙反下交謹同卷本又作袞古本反玄端音  
 冕疏天子至以達○正義曰此已前明天時氣候早  
 所服衣玉所食牲穀及器物之屬龍與玉言蒼者蒼  
 亦青也遠望則蒼旂與衣云青者欲見人功所為故  
 以近色言之○**註**皆所至皆殊○正義曰色則順時  
 食與器則順氣也云青陽左个大寢東堂北偏者北  
 偏近北也然則此是明堂北偏而云大寢者欲明  
 堂與大廟大寢制同故兼明於明堂聽朔竟次還大  
 廟次還大寢也然云東堂則知聽朔皆堂不於五角  
 之室中也云鸞路有虞氏之車者明堂位云鸞車有  
 虞氏之路也今既云鸞路故知是有虞氏之車也用  
 有虞氏則知非周也云有鸞和之節而飾之以青取  
 其名耳者因其有鸞故不言青而云鸞也云春言鸞  
 冬夏言色互文者春言鸞則夏秋冬並鸞也夏云朱

冬云玄則春青秋白可知也云馬八尺以上為龍者出度人職云凡所服玉謂冠飾及所佩者之衡璜者冠飾即冕之旒及笄也衡璜即上所佩玉之名也佩玉之制案韓詩外傳云佩玉上有葱衡下有雙璜牙纁珠以納其間則古之佩玉上以葱為衡橫置於上以貫珠之繩三條懸於衡上垂之而下以雙衡懸於兩畔繩之下端又以牙懸於中繩下端使前後觸璜以為聲衡之下璜之上皆貫纁珠故云纁珠以納其間謂納於衡璜之間也云麥實有孚甲屬木者鄭云黍秀舒散屬大麻實有文理屬金菽實孚甲堅合屬水稷五穀之長屬土是五穀所配之方也云羊火畜也者案尚書五行傳曰貌之不恭則有雞禍註雞畜之有冠翼者屬貌言之不從則有犬禍註犬畜之以口吠守者屬言視之不明則有羊禍註羊畜之遠視者屬聽思之不睿則有牛禍註牛畜之居閑衛而聽任重者屬思皇之不極則有馬禍註馬畜之疾行者屬皇極是雞為木畜羊為火畜牛為土畜犬



為金畜豕為水畜但陰陽取象多塗故午為馬酉為雞不可一定也云時尚寒食之以安性也者羊是火畜而春時食之明其有意食以安性也春時尚寒故食火畜以助之夏食菽與雞者以氣尤熱水能尅火木必抑土故食北方之穀與東方之牲減其熱氣亦以安性秋食麻與犬者秋氣既涼又將嚮寒不有其害故食當方之穀牲也冬食黍與彘者冬氣極寒故食火穀以減寒寒勝於熱故食當方之牲云器疏者刻鏤之象物當貫土而出也者刻鏤為文使文理窟疏直而通達也云凡此車馬衣服皆所取於殷時而有變焉非周制也者以虞夏之制有日月星辰十二章之服周之制朝祀戎獵車服各有殊今此下與周禮不同上與虞夏又異故云取殷時也殷時木路此乘鸞路不純用殷故云而有變焉謂變殷而乘虞路也云周禮朝祀戎獵車服各以其事不以四時為異者案周禮朝則皮弁服祀則六冕服戎則韋弁服田獵冠弁服又周禮朝乘象路祀乘玉路戎乘革路田乘木路是車服各以其事不以四時為異也又引玉

藻天子龍衮以祭者證四時皆龍衮玄衣纁裳不隨時而別又引玉藻玄端而朝日者證此朝日不玄端而著青衣又引皮弁以日視朝者皮弁白布衣四時皆然不隨時而變是與此皆殊明月令故云非周法也

**是月也以立春先立春三日大史謁之天子曰某日立春盛德在木天子乃齊**大史禮官之屬掌正


歲年以序事謁告也先悉薦反齊側皆反本亦作齋卷內放此**立春之**

**日天子親帥三公九卿諸侯大夫以迎春於東郊還**

**反賞公卿諸侯大夫於朝**迎春祭蒼帝靈威仰於

東郊之兆也王居明堂禮曰出十五里迎歲益殷禮

也周近郊五十里賞謂有功德者有以顯賜之也朝



大寢門外後放此**疏**是月至於朝。正義曰此節論立春天子迎春氣及

賞之事各依文解之。是月也以立春者十二月節

氣有早晚若節氣晚則月之節氣在當月之內若

氣早月之節氣在前月之中故立春為正月之節有

在十二月之時但至立春之時雖在十二月即行立

春之事云是月者謂是月之氣不謂是月之日也凡

四立之月天子車服之節皆云是月非四立之月仲夏


立夏立秋立冬各事重故云是月其非四立之月仲夏

即云養壯佼季夏云命漁師十一月云飭死事十二月

月云命有司大難皆不云是月者或難事雖大惟此月為



論祈穀耕藉反廼勞飲是其一事故不更云是月次  
 云是月也命樂正入學習舞至埋爵論習舞修祭母  
 用牲牲是含養之事故母覆巢及掩骼埋胔中間水  
 異事亦相連故不別云是月次云是月也亦可以稱  
 兵與上事別又論天地人之道故別云是月舉此  
 為例其餘月或云是月或不云是月就文可知○先  
 立春三日者周法四時迎氣皆前期十日而齋散齋  
 七日致齋三日○今秦法簡省故三日也蓋散齋二日  
 致齋一日○盛德在木者天以覆蓋生民為德四時  
 各有盛時春則為生天之生育盛德在於木位故云  
 盛德在木○**註**大史至謁告也○正義曰案周禮大  
 史屬春官春官主禮故云大史禮官之屬云掌正歲  
 年以序事者大史職文鄭註云中數曰歲朔數曰年  
 中數者謂十二月中氣一週總三百六十五日四分  
 之一謂之一歲朔數者朔十二月之朔一週謂三百  
 五十四日謂之為年此是歲年相對故有朔數中數  
 之別若散而言之歲亦年也故爾雅釋天云唐虞曰  
 載夏曰歲商曰紀周曰年是也案釋言云告謁請也



同訓為請是謁為告也○立春至於朝○此立春立  
 秋云天子親帥三公九卿諸侯大夫立夏立冬云親  
 帥三公九卿大夫不云諸侯文不備當亦有諸侯故  
 立夏下云乃封諸侯於夏既然明冬諸侯亦然在孟  
 春云賞公卿諸侯大夫於朝孟夏云還乃行賞封諸  
 侯慶賜遂行無不欣說孟秋云還乃賞軍帥武人於  
 朝孟冬云還乃賞死事孤寡四時所賞不同者庚  
 云順時氣也春陽氣始著仁澤之時故順其時而賞  
 朝臣及諸侯也至夏陽氣尤盛萬物增長故用是時  
 慶賜轉廣是以無不欣說也秋陰氣始著嚴凝之時  
 故從其時而賞軍帥及武人也至冬陰氣尤盛萬物  
 衰殺故用是時賞死事者及其妻子也○**註**迎春至  
 門外○正義曰案賈馬蔡邕皆為迎春祭大皞及句  
 芒以止云其帝大皞其神句芒故也今鄭獨以為蒼  
 帝靈威仰者以春秋文耀鉤云蒼帝靈威仰禮器云  
 饗帝於郊而風雨寒暑時是入帝何能使風雨寒暑  
 得時文詩及尚書云上帝皆為天也周禮司服云王  
 祀昊天上帝則服大裘而冕祀五帝亦如之五帝若

是人帝何得與天帝同服故以為靈威仰上云盛德在木者盛德則靈威仰之靈德也云玉居明堂禮者逸禮之篇各引之者證十五里迎春與周不同故云蓋殷禮也云周近郊五十里者鄭註尚書君陳序云天子近郊五十里今河南洛陽相去則然是也云朝大寢門外者大寢則路寢天子有三朝一是燕朝在路寢也二是治朝則此路寢門外應門之內以其賞賜公卿大夫宜在治事之朝故云大寢門外三是外朝在庫門之外臯門之內大

**惠下及兆民**

**註**相謂三公相王之事也德謂善教也

令謂時禁也慶謂休其善也惠謂恤其不足也天子

曰兆民

**註**相息亮反註同下善相并註放此施如字又始豉反休許收許蚘二反美也

**遂行毋有不當**

**註**遂猶達也言使當得者皆得也



無非其人

**註**母音無本亦作無事當丁浪反命相至不當○正義

迎春反國命三公布教施惠之事各依文解之○天子

相謂至兆民○正義曰案公羊隱五年傳云云公者

何天子之相也自陝而東者周公之自陝而西者

召公主之相也相處采內是豈公相王之事也至六國

時一人知事者特謂之相故史記稱穰侯范雎蔡澤

皆為秦相後又為丞相也云天子曰兆民者左傳閔

元年晉卜偃之辭也○遂猶至其人○正義曰遂

是申遂故尚書云顯忠遂良商頌云莫遂莫達是遂

為達言慶賜之事通達施行使之周徧云使當得者

皆得無非其人也者謂當慶賜之人皆是有功可慶

賜無此不吝得慶之人乃命大史守典奉法司天曰

非人謂無功無德之徒

**月星辰之行宿離不貸毋失經紀以初為常**

**註**典六

係章氏掌天文者相與宿偶當審候伺不得過差也

經紀謂天文進退度數宿息六反徐音秀離依註音儷呂計反偶也貸吐得反

徐音馮音憑相息亮反乃命至為常○正義曰

又如字伺音司又息嗣反迎春既還行賞以畢乃

命大史之官令守其六典奉其八法司主天文及日

月星辰之行天則左還一日一度一年三百六十五

度四分度之又至周一度日月五星並逆行天左

行各有多少辰有二十八宿亦隨天左行大史令其

屬官在其候處止宿配偶相與審候不得貸變過差

若應候不候應知不知則是候過差無失經紀者經


紀謂天文進退度數言當推勘考按使得其中應進

則言進應退則言退若其推步不明等曆失所遲疾

不依其度進退或失其常是失經紀○以初為常者

初謂舊來所法恆須遵奉以為常行故云以初為常

治典地官教典春官禮典夏官政典秋官刑典冬官



事典八法者一曰官屬二曰官職三曰官聯四曰官

常五曰官成六曰官法七曰官刑八曰官計云離讀

為儷偶之儷者案成十一年左傳云鳥獸猶不失儷

禮有儷皮儷是配偶故云讀如儷偶之儷云馮相氏

係章氏掌天文者馮相係章皆中士二人馮相者鄭

註馮乘也相視也世登高臺以視天文之次序係章

者鄭註係守也世守天文之變雖俱掌天文其事不

同馮相氏主日月五星年氣節候推步遲疾審知所

在之處若今之司曆主其算術也係章者謂守天之

文章謂天文違變度數失其恆次妖孽所在吉凶所

生若今之天文家惟注變異也此其所掌別也云相

與宿偶當審候伺不得過差者言大史之官使其僚


屬馮相係章恆在候處相與止宿配偶共是月也天

審察伺候不得怠慢不覺天之變異也

子乃以元日祈穀于上帝謂以上辛郊祭天也春

秋傳曰夫郊祀后稷以祈農事是故啓蟄而郊郊而

後耕上帝太微之帝也乃擇元辰天子親載耒耜措  
 之于參係介之御間帥三公九卿諸侯大夫躬耕帝  
 籍天子三推三公五推卿諸侯九推元辰蓋郊後  
 吉辰也耒耜之上曲也係介車右也置耒於車右與  
 御者之間明已勸農非農者也人君之車必使勇士  
 衣甲居右而參乘備非常也係猶衣也介甲也帝籍  
 為天神借民力所治之田也耒力對反字林云耕  
 曲木垂所作力佳反又  
 力水反耜音似耜也故反置也介音界註同籍在亦  
 反說文作耜云帝耜手取推出崔反又吐回反下同  
 推謂伐也乘繩證反為平偽反  
 下為神春為陽為死氣皆同反執爵于大寢三公



九卿諸侯大夫皆御命曰勞酒既耕而宴飲以勞

羣臣也大寢路寢御侍也勞力報是月至勞酒

一節論迎春既反春事也起當祈穀親耕燕勞之事

各依文解之謂以蓋之帝正義曰案郊特牲

云郊之用辛鄭註汎為久君當齋戒自新又云郊之

祭也迎長日之至鄭註朔易說去三王之郊一用夏


正春分而日漸長故云迎長日之至郊特牲云郊不

言祈穀此經言祈穀不言郊鄭以爲二祭是一故此

註謂以上辛郊祭天也鄭既以直祭為一恐人為疑

故引春秋傳以明之案襄七年左傳云孟獻子曰郊  
 祀后稷以祈農事也是故啓蟄而郊郊而後耕彼祈  
 農事者則此祈穀也彼云郊而後耕此是祈穀之後  
 即躬耕帝籍是祈穀與郊一也云上帝大微之帝者  
 春秋緯文紫微宮為大帝夫微為天庭中有五帝座  
 是即靈威仰赤熛怒白招拒汁光紀含樞紀祈穀郊  
 天之時各祭所感之帝殷人則祭汁光紀周人則祭

靈威仰以其不定故總云大微之帝若迎春之時前  
 帝後玉皆祭靈威仰故前註云迎春祭蒼帝靈威仰  
 特指一帝也此郊雖祈穀亦是報天故郊特牲云郊  
 之祭也大報天而主日也○乃擇元辰至九推○甲  
 乙丙丁等謂之謂郊之用辛上云元日子丑寅卯之  
 等謂之為辰耕用亥日故云元辰天子親載耒耜者  
 謂天子所乘車上親載耕田之耒耜措之於參保介  
 御之間者措置也保介車右也御者御車之人車右  
 及御人皆是王參乘於時天子在左御者在中車右  
 在右言置此耒耜於參乘保介及御者之間然後帥  
 三公九卿而往南郊躬耕籍田也○註元辰至之田  
 ○正義曰知用亥者以陰陽式法正月亥為天倉以  
 其耕事故用天倉也盧植蔡邕並云郊天是陽故用  
 日為吉主耕之用辰亦善也郊雖用日亦有辰但  
 建寅月會辰在亥故耕用亥也耒耜非農者也王既親  
 耒耜置耒應須近王今置耒乃於參御二人之間




不近王者明王之已身但是勸農故載耒耜非實農  
 人故不近耒耜也所以車右衣甲者以人君尊重故  
 使勇士衣甲居右備非常也云保猶衣者保即襁保  
 保謂小被所以衣覆小兒故云保猶衣也云帝籍為  
 天神借民力所治之田者耕籍所以為帝籍者舉尊  
 言之故祭義云天子為籍千畝以共齊盛又國語云  
 宣王即位不籍千畝號文公諫曰夫民之大事在農  
 上帝之粢盛於是乎出是籍田共上帝故云為天神  
 借民力所治之田也案此立春後始郊郊之後始耕  
 案國語先時九日大史告以耕事註先郊之後始耕  
 謂先立春之前以耕與此不同者國語告耕在立春  
 之前其實耕時在立春之後故國語下云先時五日  
 王即齋宮註先耕時也是耕前五日王即齋宮而齋  
 是知親耕在立春之後也此言天子三推公五推卿  
 諸侯九推案國語玉耕一發班三之賈逵註班次也  
 謂公卿大夫也王之下各三其上也王一發公三發  
 卿九發大夫二十七發天子三推公五推卿諸侯九  
 推此是貴賤耕發相三之數也不云士者士賤不與

耕也故國語云庶人終於手畝又周禮甸師是下土云帥其屬而耕耨王籍鄭註云庶人謂徒三百人。既耕至路寢。正義曰案國語耕後宰夫陳饗膳夫贊王王歆大牢是耕後設饗而此云既耕而燕飲者饗禮在廟燕禮在寢此云執爵于大寢故知燕也國語云饗者益用饗之饌具而行燕禮以勞羣臣案上迎春而反賞公卿大夫於路寢門外正朝此耕籍而反勞羣臣在於路寢不同者爵賞公事與衆共之故在正朝燕勞私禮主於歡心故在路寢

**是月也天氣下降地氣上騰天地和同草木萌動** 此陽氣蒸達可耕之候也農書

曰土長冒楹陳根可拔耕者急發 上時掌反註土音證又之丞反冒莫報反覆也楹求月反

**王命布農事命田舍東郊皆脩封疆審端徑術** 田謂田畷主農之官也舍東郊順



時氣而居以命其事也封疆田首之分職術周禮作遂夫間有遂遂上有徑遂小溝也步道曰徑今尚書

曰分命義仲宅岫夷也 疆居良反註皆同徑術古定反註同術依註音遂峻音

後分扶問 反岫音愚 **善相丘陵阪險原隰土地所宜五穀所殖**

**以教道民必躬親之** 相視之 阪險上音反又蒲版反下許檢反道音


**導田事既飭先定準直農乃不惑** 說所以命國舍

東郊之意也準直謂封疆徑遂也夏小正曰農率均

曰 飭音敕率所類反謂田正 論少陽之月務其始生故既耕


之後當勸農事各依文解之 天氣下降者天地之氣謂之陰陽一年之中或升或降故聖人作象各分

為六爻以象十二月陽氣之升從十一月為始陽氣  
 漸升陰氣漸下至四月六陽皆升六陰皆伏至五月  
 一陰初升陰氣漸升陽氣漸伏至十月六陰盡升六  
 陽盡伏然則天氣下降地氣上升騰五月至十月也  
 氣下降天氣上升騰十一月至四月也今正月云天氣  
 下降地氣上升騰者陽氣五月之時為陰從下起上嚮  
 排陽氣第六陽氣上極反退至十月之時六陽退盡  
 皆伏於下至十一月陽之一爻始動地中至十二月  
 陽漸升陽尚微未能生物之極正月三陽既上成為  
 乾卦乾體在下三陰為坤坤體在上乾為天坤為地  
 今天居地下故云天氣下降地在天上故云地氣上  
 騰是陽氣五月初降至正月為天體而在坤下也十  
 一月一陽初生而上排陰陰之上六漸退反歸於下  
 至四月陰爻伏盡六陽在上五月一陰生而六陰  
 生陰氣尚微成物未具七月三陰生而成坤體坤體  
 在下三陽為乾而體在上則是地氣在下天氣在上  
 故正月為泰泰通也天地交通七月為否否塞也言  
 大地隔塞所以十月云地氣下降天氣上升騰者以十



月之時純陰用事地體疑東寒氣逼物地以在下故  
 云地氣下降於時六陽從上退盡無復用事天體在  
 上不近於物以若陽歸於天故云天氣上升騰其實十  
 月天氣反歸地下若審察於此不足可疑而劉洽汜  
 閣皇侃之徒既不審知其理又不能定其旨趣誼誼  
 撓撓亦無取焉。此陽至急發。正義曰經云天  
 氣下降註陽氣蒸達又似陽氣上升者以陽之氣從  
 五月下降至十一月從下初升至正月始成乾體而  
 在三陰之下故云天氣下降其實於時陽從地中升  
 也引農書曰下者案漢書藝文志農書有九家百一  
 十四篇神農二十篇野老十七篇宰氏十七篇董安  
 國十六尹都尉十四趙氏五篇鄭所引農書勝之十  
 八篇王氏六篇蔡癸一篇鄭所引農書先師以為汜  
 勝之書也漢書註汜音汎成帝時為侍郎使教田三  
 輔也土長冒概者謂置概以候土土長冒概陳根朽  
 爛可拔而去之耕者急速開發其地也。王命至經  
 術。於是春氣既和王命羣官分布檢校農之事命  
 遣田駿官舍於郊之上令農夫皆修理地之封疆審

正田之徑路及田之溝洫故云審端徑術。田謂至囑夷。正義曰知田謂田畯者以經云命田畯是受之人詩云田畯至喜故知田謂田畯云舍東郊順時氣而居者以其耕作歲時之氣起於東方為始故令田畯舍國之東郊以命其事其諸侯都邑田畯各舍國邑之東郊也云封疆田首之分職者封疆則九夫為井四井為邑各有封境界域部分職掌也云術周禮作遂以田農之事無稱術者術遂聲相近故疑術為遂學記云術有序義同於此云夫間有遂遂上有徑者遂人職文案匠人云廣二尺深二尺遂小溝也步道曰徑遂人職云徑容牛馬云今尚書曰分命戎仲宅囑夷者證命田畯舍東郊之事云今尚書者尚書有古有今壁裏所得膠東庸生所復者謂之古文尚書鼂錯所受伏生二十九篇夏侯歐陽所傳者謂之今文尚書鄭據而引之故云今尚書。出事至不惑。作記之人解詭天子所以命田畯舍於東郊者欲明其政謂田事若田事既能正又先定此封疆徑遂以勸農夫農夫知田事先後審疆界畔域乃不



有疑惑。直謂繩墨得中也封疆有界限徑遂有闊狹皆先平均正直之故云準直謂封疆徑遂云夏小正曰農率均田者夏小正是大戴禮篇也農率則田畯也均田則審端。是月也命樂正入學習舞。為仲春將釋菜

乃修祭典。重祭禮歲始省錄命祀山林川澤犧牲

母用牝。為傷妊生之類。牝類忍反妊而林而鳩二反。禁止伐木

盛德所在母覆巢母殺孩蟲胎夭飛鳥母麝母卵

為傷萌幼之類。覆芳服反孩戶哀反胎吐來反。母

聚大眾母置城郭。為妨農之始掩骼埋胔。謂死

氣逆生也骨枯曰骼肉腐曰胔。骼江百反胔才賜反。蔡云露骨曰骼有




為曰齟齬亦作 是月也不可以稱兵稱兵必天殃

逆生氣兵戎不起不可從我始 為客不利主人則

可毋變天之道 以陰政犯陽母絕地之理 易剛

柔之宐母亂人之紀 仁之時而舉義事 是月至

正義曰此一節論此春為四時之首當修祀典及祭山川之事各依文解之。犧牲毋用牝者以山林川澤其祀既畢餘月之時牲皆用牝惟此月不用故註為傷妊生之類者天地宗廟大祭之時雖非正月皆不用牝。禁止至之紀。正義曰此一節論時氣之事各依文解之。禁止伐木者禁謂禁其欲伐止謂止其已伐者此伐木在山中或在禁障之處十月許人採取至正月之時禁令止息故王制云草木零落然後入山林詩魚麗傳云草木不折不操斧斤不入山林是也若國家隨時所須以為材用者雖非冬月



亦得取之故山虞有仲冬斬陽木仲夏斬陰木又云邦工入山林而掄材不禁是也其非是所禁之處春秋亦得取之故周禮云春秋之斬木不入禁鄭註斬四野之木可若於正月皆禁之。毋覆至毋卵。此一節論禮法餘月皆無覆巢因初春施生之時故設戒也巢若其天鳥之巢則覆之故堯族氏云掌覆天

鳥之巢此月亦禁之胎謂在腹中未出天為生而已生者故魯語云獸長麋天此飛鳥謂初飛之鳥故註云為傷萌幼之類麋卵四時皆禁但於此月尤甚若須薦獻亦得取之故王制云非以卵庖人秋行犢麋是也掩骼埋胔者錯氏云掌除骹司農云齒骨之尚有肉者也及禽獸之骨皆是康成不註從司農義也

骼言掩齒言埋互言耳。為客至則可。正義曰起兵伐人者謂之客敵來禦捍者謂之主此經云兵戎不合興起之時不可從我而始我謂主人也主人既先與兵故云為客不利。毋變至之紀。天有陰陽之道路恐人改變故云無變天之道地有剛柔之

禮已充 卷之四 三十二

理恐人斷絕故云毋絕地之理人有禮義綱紀恐其迷亂故云毋亂人之紀案易說卦云立天之道曰陰與陽故鄭此註以陰政犯陽說卦云立地之道曰柔與剛故註地理云易剛柔之宜說卦云立人之道曰仁與義春為仁故註仁之時而舉義

雨水不時註巳之氣乘之也四月於消息為乾草木

蚤落註生日促音早蚤國時有恐註以火訛相驚丘勇

反行秋令則其民大疫註申之氣乘之也七月始殺

音役疾疾風暴雨總至註正月宿直尾箕箕好風其氣

逆也回風為疾註又作飄宿音秀好呼報反藜莠蓬蒿

並興註生氣亂惡物茂反莠音西行冬令則水潦為

敗雪霜大摯首種不入註亥之氣乘之也舊說首種

謂稷折種章勇反蔡云宿麥孟春至不入正

當月施令之事若施之順時則氣序調釋若施令失

所則災害滋興故自此而下論政失致災之事上既

云毋變天之道毋絕地之理毋亂人之紀今若施之

不失則三才相應以入與天地共相感動故也施令

有失三才俱應者則此孟春行夏令雨水不時天也

草木旱落地也國時有惡入也十二月之節內三才

俱應者多就三才俱應之中論天地及人亦先後不

建或先言天者則此孟春行夏令雨水不時是也或先言地

之類是也以施令失所惟三才應就二才之中或有  
天有人無地或有地有人無天隨應則書不為義例  
也行令失之於前氣則應之於後至如春夏及秋施  
令有失氣來為應惟在當年則孟春行夏令雨水不  
時草木早落之類是也若其冬時失令則氣應在於  
後年故仲冬行秋令則天時雨汁瓜瓠不成行春令  
蝗蟲為敗仲冬非瓜瓠不成之時又非蝗蟲為敗之  
日是據來年又錄記之人序行令之時各次第先後  
則有夏有秋有冬孟春舉夏為始仲春舉秋為始季  
春舉冬為始至於夏時之下則有秋有冬次有來年  
之春孟夏則舉秋為始仲夏舉冬為始季夏舉春為  
始以此推例秋冬亦然不能備說也○**註**巳之至為  
乾○正義曰此風雨不時者謂風雨少不得應時所  
以風雨不應時者以孟春建寅其宿直箕星箕星好  
風孟春行夏令寅氣不足故風少巳來乘之四月純  
陽用事純陽來乘故雨少云四月於消息言萬物得陽  
生為息陰死為消十一月至四月為消息言萬物得陰  
氣蕃息五月至十月為消息言萬物得陰氣消盡凡孟



月夫令則三時孟夏之氣乘之仲月失令則仲月之  
氣乘之季月失令則季月之氣乘之所以然者以何  
為孟仲季氣情相通如其不和則迭相乘入鄭之所  
註例亦不同或一句之下云巳之氣乘之或兩句之下則云  
雨不時一句之下云巳之氣乘之或兩句之下則云  
某之氣乘之故仲春行秋令則其國大水寒氣總至  
註酉之氣乘之以二句俱當酉氣故也或有三句之  
下始云某之氣乘之者故孟春行冬令則水潦為敗  
雪霜大擊首種不入註云亥之氣乘之以三句共當  
亥氣也氣當則言無義例也凡一句為一事亦有兩  
句共為一事者則孟夏行冬令云後乃大水敗其城  
郭是也○**註**火訛相驚○正義曰以巳來乘寅巳為  
火故火來也寅為天漢之津火雖欲來而畏水終竟  
不來但訛言道火相恐動也○**註**申之氣乘之七月  
始殺○正義曰七月建申陰氣始殺殺氣乘寅故人  
多大疫○**註**正月至為姦○正義曰案註洪範中  
夾土氣為風東方木氣為雨箕屬東方木木尅土土  
為妃尚妃之所好故箕星好風也西方金氣為陰尅  
豐已充

禮記疏

卷之十四

汲古閣

東方木木為妃畢屬西方尚妻之所好故好雨也今  
 申氣乘寅兩相衝破申來逆寅寅為風風之被逆故  
 為焱風寅往破申申為雨雨之被逆故為暴雨也案  
 爾雅扶搖謂之焱謂風之迴轉也故云迴風為焱○  
 氣既亂惡物成之故惡物茂○**首種**謂稷○正義  
 曰案考靈耀云日中星鳥可以種稷則百穀之內  
 稷先種故云首種首即先也種在百穀之先也

第十四終

禮記註疏卷第十五

漢鄭氏註

唐孔穎達疏

月令

仲春之月日在奎昏弧中旦建星中**仲**中也仲春者

日月會於降婁而斗建卯之辰也弧在輿鬼南建星

在斗上

○奎苦圭反弧**仲**春至星中○正義曰案音胡降戶江反**三統**曆云二月節日在奎

五度昏井二十二度中去日九十七度旦斗五度中

春分日在婁四度昏柳五度中去日一百二度旦斗

十六度中案元嘉曆二月節日在壁一度昏井十度

禮記疏

卷之十五

及古閣